

# POSLANSTVO ALLAHOVOG POSLANIKA

## نبوته صلى الله عليه وسلم

Naš Poslanik Muhammed, s.a.v.s., mrzio je kipove cijelog svog života, kao i sve ono, u čemu je bio ogrezao njegov narod, od idolopoklonstva i ružnih djela, te je odbijao da im se pridruži u njihovoj stranputici, pa se mnogo osamljivao i udaljivao od svog naroda.

Allahov Poslanik provodio bi mnoge dane i noći u pećini Hira (u brdu Nur, u blizini Meke), gdje se molio Allahu i razmišljao o Njegovim stvorenjima. U jednoj od noći mjeseca ramazana, 611. godine, došao mu je melek Džibril u pećinu Hira, a to je melek koji je donosio objavu Allahovim poslanicima.

Obuhvatio je Allahovog Poslanika i rekao: "Uči!"

Allahov Poslanik mu je odgovorio: "Ja ne znam čitati!" Zatim ga je obuhvatio po drugi put i rekao: "Uči, čitaj!", pa je on opet rekao: "Ja ne znam čitati!"

Obuhvatio ga je melek i po treći put i rekao mu: "Uči, čitaj, u ime Gospodara tvoga, koji stvara; stvara čovjeka od zametka! Čitaj, plemenit je Gospodar tvoj, koji poučava peru, koji čovjeka poučava onome što ne zna." (El - 'Alek, 1-5)

Nakon toga Allahov se Poslanik vratio Hatidži, drhteći, i rekao: "Pokrijte me, pokrijte me!", te ga je ona umirila i utješila.

Kasnije je otišla svome amidžiću, Vereki b. Nevfelu, koji je dobro poznao nebeske knjige (objave) i ispričala mu što se desilo Allahovom Poslaniku, s.a.v.s., u pećini Hira. Vereka joj je rekao da je to Džibril, koji je dolazio Musau, a.s., te je Hatidža povjerovala u Objavu i bila prva koja je povjerovala u njegovo poslanstvo, neka je Allah zadovoljan njome (RADIJELLAHU ANHA)!